



# **IZBORNI PROGRAM**

## **SDA NOVI GRAD SARAJEVO**

### **ZA OPĆINSKE IZBORE**

### **2016. GODINE**



**NOVI GRAD**  
**2020**

**NOVA  
SNAGA BiH**



**NOVI GRAD  
2020**

[www.novigrad2020.ba](http://www.novigrad2020.ba)

Poštovani stanovnici Novog Grada Sarajevo,

prije četiri godine iskreno, hrabro i odlučno ponudili smo vam izborni program SDA „Pokrenimo Novi Grad zajedno“. Vjerovali smo u vašu mudrost i razboritost prilikom glasanja i nismo se prevarili. Vi ste kroz izbore podržali program s konkretnim projektima i mjerama, a mi smo Vam uzvratili predanim radom i realizacijom programa. Gradili smo i rekonstruirali puteve, mostove, škole i vrtiće, parkove, sportska i dječija igrališta, dom zdravlja i ambulante, vodovodne i kanalizacione mreže, šetališta i biciklističke staze. Uređivali smo trgrove i bulevarе, postavljali uličnu rasvjetu, gradili parkirališta. Radili smo na jačanju privrede, što je rezultiralo zadržavanjem postojećih i otvaranjem novih radnih mjesta. Pojednostavili smo općinske procedure i našim sugrađanima omogućili da lakše i brže koriste usluge administracije i ostvaruju svoja prava.

Naravno, uvijek može i brže i više, ali je činjenica da skoro nikada nismo mogli samostalno realizovati zacrtane projekte. Pred većinom njih stajale su mnoge administrativne prepreke, troma i neefikasna administracija različitih nivoa vlasti. Sve nas je to usporavalo, trošilo vrijeme i energiju. To je poseban problem kojim ćemo se morati baviti u budućnosti ako želimo ubrzati razvoj naše države.

Projekti i planovi iz programa „Pokrenimo Novi Grad zajedno“ koji do sada nisu realizovani, koji su započeti i čija je realizacija u toku ostaju primarni dio naše agende za naredni period. Pored toga, u programu „Novi Grad 2020.“ nudimo viziju nastavka razvoja Općine kroz četverogodišnji ciklus koji je pred nama.

# INFRASTRUKTURA

## **UREĐENJE URBANIH CJELINA ALI-PAŠINOG POLJA, DOBRINJE, SARAJ-POLJA, OLIMPIJSKOG SELA, OTOKE, ČENGIĆ-VILE**

Problem koji otežava normalno funkcioniranje velikih urbanih naselja je saobraćaj u mirovanju. To je potrebno rješavati izgradnjom dodatnih parking i garažnih površina, fizičkom blokadom pješačkih zona i njihovim novim uređivanjem, popločavanjem i sanacijom, uređenjem zelenih površina u naseljima, obogaćivanjem dodatnom hortikulturom, cvijećem, sadnicama, prostorima za odmor, i dječijim igralištima. Ovaj projekat, čija je implementacija već započela uređenjem šetnice na Bulevaru branilaca Dobrinje, izgradnjom šetnice od zgrade Općine do Nedžarića, rekonstrukcijom Teheranskog trga na Saraj-Polju i centralnog trga u C-fazi Ali-pašinog Polja, u potpunosti će promijeniti lice Novog Grada i učiniti ga jednim od najljepših dijelova Sarajeva.

## **SANIRANJE I ASFALTIRANJE LOKALNIH I NEKATEGORISANIH CESTA**

U skladu sa započetom praksom, kroz godišnje programe nastavit ćemo

asfaltiranje makadamskih cesta u padinskim naseljima. Pored asfaltiranja, najčešće je neophodno rješavati i odvodnju oborinskih voda, koje u slučaju padavina izazivaju oštećenja kako saobraćajnica tako i okolnih objekata. U skladu sa mogućnostima, potrebno je raditi na sanaciji i proširenju onih saobraćajnica u naseljima u kojima se odvija javni gradski prevoz. Takve su Novopazarska ulica na Mojmilu, Numan-paše Ćuprilića u Naselju Heroja Sokolje, ulica Avde Palića u Zabrdju i sl.

## **VODOSNABDIJEVANJE**

U proteklom periodu uložena su značajna sredstva za rješavanje pitanja vodosnabdijevanja Dobroševića, Ahatovića i Bojnika, gdje je najveći broj domova dobio vodu iz gradskog vodovodnog sistema. Po istom modelu ušlo se u izgradnju vodovodnog sistema za Naselje Heroja Sokolje i Zabrdje. Izgrađen je rezervoar kapaciteta 1000 kubika, a ugovorena je i izgradnja pumpne stanice. Nakon toga, potrebno je izgraditi potisni i distributivne cjevovode, kojima bi se ova naselja snabdjela vodom na kvalitetan način.

## **IZGRADNJA KANALIZACIONE MREŽE**

U jednom broju novogradskih naselja, kao što su Švrakino Selo, Buča Potok i Boljakov

Potok, gdje postoji primarna infrastruktura, već se krenulo s projektima izgradnje nove kanalizacione mreže, što u narednom periodu planiramo nastaviti. Također, u dijelovima naselja Briješće, nakon završetka projekta primarnog kolektora prema Bačićima, a za koji je već pripremljena projektna dokumentacija, bit će započeto rješavanje pitanja kanalizacione mreže u ulicama Safeta Ahmetspahića, Brezanska i dr. U naseljima Dobroševići, Reljevo, Zabrdje i Naselju Heroja Sokolje skoro cijeli sistem odvodnje čine improvizirani mješoviti kanali kojima se oborinske i otpadne vode usmjeravaju prema vodotocima Lepenica, Bosna i Miljacka. Problem s ovim naseljima je što gravitaciono ne pripadaju kolektorima i prečistaču u Butilama, zbog čega je neophodno započeti s aktivnostima na izgradnji još jednog prečistača koji je, prema Prostornom planu Kantona Sarajevo, planiran u zoni Reljeva. Veliki broj općina i gradova u BiH za ovakve projekte osigurao je sredstva iz grantova i kredita evropskih finansijskih institucija. Međutim, budući da u Kantonu Sarajevo takve aktivnosti moraju ići preko JKP „Vodovod i kanalizacija“, mi ćemo kao lokalna zajednica zahtijevati da se krene sa projektovanjem, osiguranjem sredstava i izgradnjom prečistača u Reljevu, koji će omogućiti da se započne izgradnja separatne kanalizacione mreže u naseljima koja gravitiraju ovom budućem prečistaču.

## **IZGRADNJA JAVNE RASVJETE**

U ulicama gdje ne postoji javna rasvjeta nastavitićemo s projektima izgradnje, dok će u dijelovima općine gdje je rasvjeta dotrajala raditi na njezinoj zamjeni novom i efikasnijom onako kako je to urađeno u Saraj-Polju, gdje je stara i neefikasna zamijenjena novom rasvjetom koja troši tri puta manje električne energije. Naročito je važno zamijeniti dotrajalu rasvjetu na parking prostorima.

## **IZGRADNJA SPORTSKIH DVORANA I IGRALIŠTA**

Projekat Izgradnje sportske dvorane uz školu „Umihana Čuvidina“ u Boljakovom Potoku već smo izradili, a izdata je i urbanistička suglasnost. Ovim projektom planirana je izgradnja veoma moderne sportske dvorane olimpijskih dimenzija terena za rukomet, košarku i odbojku sa tribinama. Objekat bi trebao imati podzemnu garažu, fitness centar i ugostiteljske sadržaje. Također, projektom je predviđeno da se u objektu sportske dvorane smjesti i obdanište, koje ovom naselju nedostaje.

Izgradnja sportske sale u školi u Dobroševićima, za koju već postoji projekat i urbanistička saglasnost, jedna

je od aktivnosti s kojom se može krenuti veoma brzo te u skladu s finansijskim mogućnostima u naredne dvije do tri godine izgraditi ovaj objekat.

U protekle četiri godine Općina je započela s izgradnjom sportskih igrališta u naseljima u kojima ih nije bilo. Tako su izgrađena igrališta u Zabrdju, Briješću, Boljakovom Potoku i Švrakinu, a otkupljeno je zemljište za izgradnju igrališta u Bojniku i u ulici Hekim Oglu Ali-paše u Boljakovom Potoku. U narednom periodu, pored izgradnje dva igrališta za koje je već otkupljeno zemljište, planiramo pronaći adekvatne lokacije i nabavljati zemljište za izgradnju igrališta u naseljima kojima ona nedostaju, a sigurno je da u velikoj mjeri utječe na kvalitet života lokalnog stanovništva, posebno mladih.

## **SANACIJA KROVOVA I FASADA**

U skladu s mogućnostima, a u saradnji s Ministarstvom prostornog uređenja i stambene politike Kantona Sarajevo, potrebno je raditi na projektima sanacije i rekonstrukcije krovova i fasada, posebno na objektima gdje su još prisutna znatna ratna oštećenja, kao što je slučaj sa zgradom "Pancirka" na Dobrinji, i zgradama na Saraj-Polju koje su se tokom agresije na RBiH nalazile na prvoj liniji odbrane.

**S A O R R A Č A Y**

## **IZGRADNJA GRADSKOG AUTOPUTA**

Nakon što je završena izgradnja Sarajevske zaobilaznice, te nakon što se završe radovi na izgradnji Lota 2C, stvaraju se preduslovi za početak izgradnje gradskog autoputa kroz Sarajevo. Ovaj projekat najlakše je realizovati kroz pojas željezničke pruge na način da se reducira broj i moderniziraju pružni kolosijeci koji vode od Rajlovca prema Željezničkoj stanici. Izgradnja gradskog autoputa mora se posmatrati kao projekat od šireg društvenog značaja za glavni grad u čijoj realizaciji, pored općina Novi Grad i Novo Sarajevo, trebaju učestvovati Kanton Sarajevo i Federacija BiH. Određene aktivnosti na inicijativu Općine Novi Grad već su provedene, a postoji i idejno rješenje projekta čijom bi se realizacijom Sarajevo svrstalo među gradove s najboljom saobraćajnom infrastrukturom, obzirom da gradski autoput rješava probleme i tranzitnog i unutrašnjeg saobraćaja.

## **IZGRADNJA DIJELA XII TRANSVERZALE OD SPOJA SA A-TRANSVERZALOM KOD MEĐUNARODNOG AERODROMA SARAJEVO DO STUPSKE PETLJE**

Nakon što je prije dvije godine izgrađena Stupska petlja i nakon što se uskoro

završi izgradnja A-transverzale, ostaje još izgradnja dijela XII transverzale u dužini od 1,5 kilometara od Stupske petlje do spoja s A-transverzalom kod aerodroma, čime bi se zatvorio ovaj saobraćajni prsten. Dio ceste koji se nalazi na teritoriji općina Novi Grad i Iličić ne zadovoljava potrebe saobraćaja koji se njome odvija i često uzrokuje gužve. Imovinsko-pravni odnosi na trasi ove saobraćajnice većinom su riješeni, što olakšava realizaciju projekta. Obzirom da je ova saobraćajnica kategorisana kao regionalna i njome upravlja JP „Ceste Federacije BiH“, njezina izgradnja od interesa je i za Federaciju BiH, naročito što bi se njome na kvalitetan način s autoputem povezao Međunarodni aerodrom Sarajevo. Općina Novi Grad inicirat će aktivnosti kod ostalih institucija kako bi se krenulo u izgradnju ove saobraćajnice.

## **NASTAVAK IZGRADNJE JUŽNE LONGITUDINALE KROZ OPĆINU NOVI GRAD**

Kanton Sarajevo putem Direkcije za ceste provodi projekat izgradnje Južne longitudinale, koji se finansira kreditnim sredstvima Evropske banke za obnovu i razvoj. Do sada je ugovorena izgradnja ove saobraćajnice iz pravca Grbavice do Hrasnog, s kružnim tokom kod pekare

„AS“. Smatramo da je u narednom periodu potrebno raditi na nastavku izgradnje ove saobraćajnice i kroz našu općinu. U prvoj fazi bilo bi potrebno izgraditi Južnu longitudinalnu do spoja s Petom transverzalom kod Bosmala. Za završetak Pete transverzale, uključujući raskrsnicu s Južnom longitudinalnom kod Bosmala, već su osigurana sredstva, a riješeni su i imovinsko-pravni odnosi.

## **POČETAK AKTIVNOSTI NA IZGRADNJI XI TRANSVERZALE OD NEDŽARIĆA PREMA DOBRINJI**

Urbanističkim planom Grada Sarajeva planirana je izgradnja Jedanaeste transverzale s tramvajskom prugom prema Dobrinji. U ovoj fazi rano je govoriti o izgradnji tramvajske pruge, naročito dok se ukupno pitanje javnog gradskog saobraćaja ne riješi na nivou Kantona Sarajevo, koji je za njega nadležan. Međutim, moguće je i potrebno započeti s rješavanjem imovinsko-pravnih odnosa na trasi ove saobraćajnice. Kako je kroz izgradnju A-transverzale već izgrađen most na kojem se ona spaja s jedanaestom transverzalom, može se započeti s aktivnostima na izgradnji dijela XI transverzale od Bulevara branilaca Dobrinje do A-transverzale.

**PRIVREDA**

## **NASTAVAK DOBRIH PRAKSI IZ DOSADAŠNJEVOG PERIODA**

U protekle četiri godine Općina je razvila nekoliko dobrih programa koje je potrebno nastaviti i u narednom periodu, kao što je sufinansiranje kredita za privredu, uređenje infrastrukture industrijskih zona, podrška poljoprivrednoj proizvodnji itd. To ostaje dio našeg plana i za naredni period.

## **PROGRAM PREKVALIFIKACIJE ZA DEFICITARNA ZANIMANJA**

Zbog velikih problema na tržištu rada, koji postoje zbog razlika između potreba tržišta rada i kvalifikovanosti radne snage, potrebno je izraditi program prekvalifikacije u saradnji s firmama iz Novog Grada koje imaju potrebu za radnom snagom. Kroz taj program Općina bi snosila troškove ili dio troškova za određeni period radnog angažmana, i to onoliko koliko je potrebno da se savladaju konkretna znanja i vještine neophodne za određeni tehnološki ili drugi proces u privredi. Općina je već započela jedan projekat prekvalifikacije s firmom "Zrak" i po sličnom modelu potrebno je proširiti program na više zanimanja za kojima postoji potreba na tržištu rada.

## **PODRŠKA POLJOPRIVREDNOJ PROIZVODNJI**

Veliko prisustvo građana na edukacijama iz raznih oblasti poljoprivrede, kao i povratne informacije kroz direktnu komunikaciju i razne ankete, pokazale su da postoji značajan interes za hobи i amatersko bavljenje poljoprivredom. Obzirom da ne posjeduju vlastito zemljište (jer uglavnom žive u urbanim naseljima), to im postaje ograničavajući faktor. Uz ostale mјere koje smo provodili nastavit ћemo dodjeljivati državno zemljište za bavljenje poljoprivrednom proizvodnjom (već je dodijeljeno oko 60 dunuma za 20 nezaposlenih osoba), ali i kreirati dodatne sadržaje. Svim stanovnicima naše općine koji posjeduju zemlju na drugoj općini, a žele započeti ili proširiti poljoprivrednu proizvodnju, pružit ћemo podršku iz općinskog budžeta za poljoprivredu,, ali i uvezati ih s ostalim partnerima koji bi podržali uspješne farmere te na taj način bavljenje ovom granom privrede učiniti profitabilnim (banke, zadruge ili firme koje vrše otkup poljoprivrednih proizvoda).

## **TURIZAM**

Kako je turizam kao grana privrede u velikom zamahu u Bosni i Hercegovini, a naročito u

njenom glavnom gradu, čiji dio je i općina Novi Grad, smatramo da je to strateški resurs koji je u budućnosti potrebno na adekvatan način staviti u funkciju razvoja privrede i otvaranja novih radnih mjestra. Budući da je turizam u našoj zemlji u porastu, smatramo da je neophodno otvoriti nekoliko projekata koji će privući turiste u našu općinu.

## **OTVARANJE RATNOG TUNELA D-B IZ PRAVCA DOBRINJE I MEMORIJALNI KOMPLEKS ŽUČ**

Kako kod stranih turista koji posjećuju Sarajevo postoji veliki interes za period opsade i odbrane grada u periodu 1992-1995., posebnu pažnju poklonit ćemo znamenitostima herojske odbrane od agresije na našu državu. Neki ključni historijski događaji odigrali su se upravo na području Novog Grada. Već smo započeli i nastaviti ćemo izgradnju Memorijalnog kompleksa na Žuči, gdje je Armija RBiH izvojevala neke od svojih najvećih pobjeda. Ratni tunel, kao jedan od najznačajnijih turističkih potencijala našeg grada, otvoren je samo s butmirske strane. Smatramo da je veoma važno tunel otvoriti i iz pravca Dobrinje jer je upravo to mjesto značilo spas za stanovnike opkoljenog Sarajeva.

## **IZGRADNJA NOVIH HOTELSKIH I SMJEŠTAJNIH KAPACITETA**

Novi Grad ima relativno dobru infrastrukturu i prostor koji možemo ponuditi investitorima radi izgradnje novih hotelskih kapaciteta, koji su sada deficitarni. Budući da je Novi Grad blizu međunarodnog aerodroma, a u isto vrijeme i centra grada, imat ćemo šta ponuditi ozbiljnim investitorima.

## **LJETNE KUĆE ŽIGA I MERHEMIĆA**

U turističku ponudu Novog Grada uvrstit ćemo i ljetnu kuću Žiga staru oko stotinu godina, koja se nalazi u Nedžarićima. Kuća je poslije rata obnovljena i u dobrom je stanju, a vlasništvo je Kantona Sarajevo. Također, ljetna kuća i bašta Merhemića u Halilovićima mogla bi se u budućnosti obnoviti i staviti u funkciju turističke ponude. Ovaj je objekat 1949. godine proglašen kulturnim spomenikom. Iako ratna razaranja nije preživio, na osnovu dokumentacije i ostataka na terenu moguće ga je kvalitetno restaurirati.

## **SARADNJA SA BH. DIJASPOROM**

Obzirom da je bosanskohercegovačka dijaspora najveći pojedinačni investitor u BiH (cca 4 milijarde KM godišnje), u okviru Odsjeka za lokalni ekonomski razvoj već je uspostavljena komunikacija s mnogim udruženjima koja predstavljaju bh. iseljenike. S tim u vezi, i novootvoreni Centar za razvoj biznisa u prizemlju zgrade Općine bit će mjesto za prvi (direktni) kontakt i imat će ulogu da sve dobre poslovne i druge ideje bh. građana koji žive van države podrži i prati u njihovoј realizaciji na području naše općine. Za one koji u BiH dolaze avionom naša lokalna zajednica je prva s kojom se sreću. Ta prednost, kao i druge pogodnosti Novog Grada, bit će značajnije iskorištene u narednom periodu.

# **DRUŠTVENE DJELATNOSTI i SOCIJALNA POLITIKA**

## **NASTAVAK REALIZACIJE DOSADAŠNJIH PROGRAMA**

U narednom periodu nastaviti ćemo realizovati društvene programe koji su već postali prepoznatljivi, kao što je finansijska podrška porodicama sa troje i više djece, naknade za ratne vojne invalide sa 100% invaliditetom, a koja se iz općinskog budžeta isplaćuju jedino u našoj općini, izdvajanje značajnih sredstava za pomoći u liječenju teško oboljelih itd. I dalje ćemo biti lokalna zajednica s najvećim brojem stipendista, a nastaviti ćemo i s programom stipendiranja sportista, koji je uveden 2016. godine. Pomagati ćemo rad sportskih klubova, kulturno-umjetničkih društava, nevladinih organizacija, posebno onih koji rade s djecom s poteškoćama u razvoju.

## **POMOĆ MЛАДИМА У РЈЕШАВАЊУ STAMBENOG ПИТАЊА**

Želeći ohrabriti mlade ljude i stvoriti im bolje uvjete za formiranje porodice, uspostaviti ćemo program finansijske pomoći onima koji prvu put rješavaju stambeno pitanje. To ćemo učiniti kroz subvencioniranje troškova stambenih kredita na sličan način kako je već razvijen program sufinansiranja kredita u privredi.

## **UJEDNAČAVANJE NAKNADA SVIM PORODILJAMA**

Opredijeljeni smo da kroz općinski budžet osiguramo fond iz kojeg bi se isplaćivao dio naknade za nezaposlene porodilje do visine iznosa koji od Kantona Sarajevo dobijaju one koje su zaposlene. Time će se otkloniti nepravda koja se danas ogleda u praksi da zaposlena porodilja dobiva dvostruko veću naknadu od one koja nema posao. Na ovaj način, sve porodilje sa naše općine primat će približnu ili jednaku novčanu naknadu, što će se omogućiti dodatnim sredstvima osiguranim u budžetu Općine.

Dragi sugrađani,

sasvim otvoreno i jasno, kao i prije četiri godine, iznosimo ambiciozne planove koje želimo realizovati u narednom mandatnom periodu. Svjesni smo da smo na taj način izloženi skoro svakodnevnoj kontroli javnosti. Ali to nam treba da bismo uvijek bili u akciji. Na nama je odgovornost da zacrtano realizujemo, a na vama da nas snažno podržite na izborima 2. oktobra.

Nije svejedno hoće li naš načelnik imati stabilnu većinu u Općinskom vijeću ili će biti prinuđen na političke kompromise koji obilato troše energiju i vrijeme, a u konačnici idu na štetu općeg interesa. Zbog tog je od krucijalne važnosti da vaša podrška bude usmjerena kako kandidatu za načelnika Semiru Efendiću, tako i kandidatima za Općinsko vijeće na čelu s nosiocem liste, dr. Rusmirom Baljićem. Koliko bude jaka izborna podrška, toliko će biti omogućena i realizacija ovog programa.

U protekle četiri godine pokrenuli smo Novi Grad zajedno, a sada vas pozivamo da nastavimo tim putem i realizujemo našu viziju **“NOVI GRAD 2020”**.

**NOVA  
SNAGA BiH**



**NOVI GRAD  
2020**

[www.novigrad2020.ba](http://www.novigrad2020.ba)